



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

XI. Das Kloster Dambeck erklärt, daß der Rath der Stadt Salzwedel die ihm verpfändete Urbede gegen des Klosters eigene Quittungen zahlen soll, am 13. März 1457.

---

---

**Nutzungsbedingungen**

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

XI. Das Kloster Dambeck erklärt, daß der Rath der Stadt Salzwedel die ihm verpfändete Urbede gegen des Klosters eigene Quittungen zahlen soll, am 13. März 1457.

Wir Hannes verdemann, vorstender, ver Ilse van dem Knezebeke, Ebbdisse, mette Chudens, priorynne vnde de gantze samninge des Closters to Dambeke, wy bekennen apenbare vor allweme. So de hochgeborne furste, her friderich de Jungere, Marggraue to Brandenborch vnde Burggraue to Nurenberch, vns vnde vnser nakomelingen veer vnde twyntich mark suluers vnde twe lubesche mark yarliker renthe in syner gnaden orbore beyder Stede Soltwedel vor neghenhundert gude Rinsche gulden vnde eyn vnde druttych gude rynsche gulden vppe eynen wedderkoop vppe vnse eygen Quitancien van dem Rade der vorfcreuen twyer Stede Soltwedel vppe Sunte Mertens dach alle Jarlikes vns to betalende vorkoft heft etc., des de gnante Rad vnser vorfcreuen gnedigen Heren breff dar vpp heft; Des hefft de genante Erfame Rad beyder vorfcreuen Stede Soltwedel vmme vnser slitigen bede willen vns to fecht, dat se vns to sunderken wyllen vnde to gude vnsem Clostere de vorfcreuen ver vnde twyntich marck suluers vnde twe lubesche mark yarliker renthe alle yar vppe Sunte Martens dach van der vorfcreuen orbore vns vppe vnse eyghen Quitancien to willen gheuen vnde betalen willen, so lange, dat de vorfcreuen vnse gnedige Here Marggraue friederich de Junger, syne eruen effte nakomelinge, Marggrauen to Brandenburch, de wedder na Inholde vnser breue, de wy dar vpp hebben, van vns gelofet vnde wedder kost hebben. Vnde wy hebben dem vorfcreuen Rade wedder louet vnde to fecht vnde louen vnde seggen en ock to yegenwardich in craft vnde macht deses breues, dat de genante Rad beyder Stede, See, de Stad Soltwedel vnd ore Borgere, des to seggendes sunder schaden blyuen scholen vnde efft fee, ere nakamelinge, ere borgere effte ere Stad van des wegghen, dat se vns zodanes to fecht hebben vnde dat se vns sodane vyrvnde-twyntich marck suluers vnde twe lubesche mark alleyarlikes uth der orbore vppe vnse eygen Quitancien gheuen vnde gheuende werden vnde betalen, In yenigen schaden kamen, des schaden wylle wy vnde vnse nakamelinge en denne gentzliken vnde al wol benemen vnde schadelofz holden, Vnde fee schult vns denne van sodans vorfcreuen to seggendes wegghen de vargefcreuen orbore vppe vnse eygen Quitancien tho gheuende, so vargefcreuen is, vurder meer nicht vorpflicht wesen. Vnde des to loue vnde technisse so hebben wy beyde vnser praueligen vnde vnser Conuentes Ingefegel hengen laten an dessen breff, de ghegeuen is na vnser heren Cristi gebort vertynhundert Jar, dar na in dem Souen vndd vestigesten Jare, Amme Sondaghe Reminiscere In der vasten.

Nach dem Orig. des Salzw. Archives V, 12.